



Diario



pa Aruba



Instala Airecon-
dicionado na bo
cas AWOR!



Tel. 2170

ANJA 22

DIAHUEBS 28 DI JULI 1960

Nr. 3796

Reorganisacion di gabinete Ingles

Conde di Home nombra ministro di asuntonan exterior

ONDEN — Awe a warde infirma na Landen, cu gabinete gles a worde reorganiza. E Conde di Home a worde noma a ministra di asuntonan exterior na lugar di Selwyn Lloyd. Conde di Home a nombra a ministro di finanzas, na lugar Heathcoat Amery. Edward Heath, te cu awe ministra Obreiro, a bira Graatzegelbewaarder. Como tal e ta resonsabel pa contestacion di preguntanan di Camara de s Camunes tacante politica exterior.

John Profumo, kende tabata secretario di estado di asuntonan exterior, bira ministro di guerra. Tabata tin diferente cambio mas.

Mocion di desconfianza di socialistanan

inmediatamente despues cu mocion di lord Home como ministro asuntonan exterior a worde anun- oficialmente, partido socialista In- s a presenta den camara de Los- munes un mocion di desconfianza ntra e nombracion di un „peer“ miembro di noblesza, cu no por ta mbro di camara de Los Comunes. mo cabezante di diplomacia Ingles. Prome ministro MacMillan ta si- cu lo e hanja un gran mayoria di o majan den camara de Los Comu- s, pero ta posible, cu algun miem- di partido conservativo lo no vota nan lo vota na fabor dje mocion ialista.

Prome Conde desde 1938 nombra 'trobe.

Pa prome biaha for di aña 1938, mpo cu Lord Halifax den dianan

di Neville Chamberlain tabata ocupa e porleuille di Asuntonan Exterior, a worde nombra un coade atrobe pa e puesto di ministro di asuntonan exterior den gabinete Ingles.

Nombramiento di e Conde Home ta haci recorda e tempo di „Munchen“ y e politica di „concede“ cu Cham- berlain tabata hiba. Den e tempo ei

CONCESION DI GOUDMIJ. A CADUCA

ORANJESTAD. — Segun Lands- besluit di 10 di juni Sociedad Anon- ima establee na Corsow pa Explota- cion di Mina di Oro, na Aruba a worde declara caduca pa diferente concesionnan cu anterior a worde cen- eede.

Ta trata aki di cuater concesionnan, ta esun di Seroe Plat, Mira La Mar, Seroe Porco y Seroe Pita. E besluit ta skirbi como cu no a worde haci uso di e posibilidad pa heroe serca e Corona door di e compania aki, e besluit awa a drenta na vigor. E so- ciedad a hanja e concesionnan aki dia 24 di juni 1948.

EXHIBICION NA PIETER BOERSCHOOL

ORANJESTAD. — Awe mainta lo ser exhibi na Pieter Boerschool na San Nicolas e obranan di man cu e muchanan di kleuterschool a traha durante e anja di scol cu a caba. Tin



Pierre Lauffer ta declara.

Cu sentimento patriotico Cura- zolenjano y amigo a celebra 26 di Juli

Drs. L. Daal: „Tur hende ta sinti Patria awe nochi, especialmente jiunan di Corsow“

SAN NICOLAS. — Celebracion di „Dia di Corsow“ e anja aki mescas cu vecesnan anterior a concentra su mes principalmente na e dos distritanan majar. Pa 7'or diamars anochi Iglesia San Francisco na Oranjestad a jena cu dev- ananhan far di e „Isla de Gigantes“ cu a bini pa medita un rata ariba e hamber cu 460 anja pasa a descubri e „bar- ranca“ tropical aki.

Luego e celebracion a hanja e caract- ter mas alegre ora cu Lago Heights Club na San Nicolas a resulta chikito pa tan- to compatriotanan di Luis Brion cu tambe kier a asisti na e programa ofi- cial cu a ser presenta y na e baile cu a dura te 3'or di marduga.

Senyor A. P. van Vuurden, presiden- te di e comision 26 di juli, tabata uro cu no por a contene su entusiasmo y sentimentonan patriotico e anochi aki, local el a demonstra tambe den su dis- curso di apertura despues di e hanja palabran for di senyor J. B. Wix cu no mester di introduccion como maes- tro di ceremonia.

„Ata nos huntu atrobe pa simbolisa unidad y amor p'e lugar caminda nos lombrishi ta dera. Nos ta jin di Cor- sow, y amke ta tur dia nos ta, riba un dia manera awe, nos tosea ta bira me- lodia, nos wowo lus, pa nos kanta y pa nos ilumina un isla: Corsow. Cor- sow di nos, Corsow cu nos ta stima. Nos no ta ntra atras awe sino adilanti y ta pesey nos ta gradece na Ruba caminda nos ta gana nos pida pan, hi- ba nos hida, cu nos por recorda Cor- sow cu e speranza dushi y e confian- za fijo ku pa nos tur, nos jiunan y jiunan di nos jiunan e fecha aki lo no por muri mas“, esaki ta loke nos por a saka for di e discurso di sr. Van Vuurden, cu door di e palabranan aki a haci e amor patrio crece un poco mas den corazon di esnan cu no taba- ta sintiele asina hopi. Aplauso hon me- recer orador a hanja di e presentenan, entre cual nos por mira diputadonan

O. Henriquez, F. Wernet, E. Petrona y nan srak huez, substituto mr. J. Eleonora, reverendo cleronan, y miem- bronan di Stuten y Eilandsraad di Aru- ba.

Diputado Petrona a muestra riba loke tur Curazolenjos mester sinti pa nan terra, maske cu e ta barranca.

„Maske cuanto solo ta kimele y bien- tu ta suete, tog riba un bon dia cu awa

(E ta sigi riba pag. 2)



Hanja y perdi

ORANJESTAD. — Senyor Eugenio Maduro di Ranchostraat 6 a awisa cu na su cas tin paloma mensahera a traha su nesli. Probablemente e palo- ma aki, cu tin un renchi na su pia ta di Corsow.

FATUM — Tel.: 1845
Pa tur bo aseguranan

Denise Registe di Nieuwstraat 58 a perde 5 pida biljechi No. 22827.

oportunidad pa e publico haci un bi- shita for di 9'or te 11'or di mainta y for di 7'or te 9'or di anochi.



KUNSTKRING TA DESEA MAS INTERES

ORANJESTAD. — Directiva di Aru- baanse Kunstkring a suplica nos pa poue na atencion cu e comediantan di majan y di diasabra anochi (Met voorbedachte Raad) y tambe esun di diahuebs anochi (Met Meisje van Bulten), lo cuminsa na e oranan di cunumber. Pa ekibi- cacion riba e papelnan di amancio a worde awisa cu e comediantan ta cumin- za ochu'or.

E bendemento di kaarehi, apesar cu e ta marchando basta bon, no a bira loke directiva a spera. Sinembargo nan ta spera cu den ultimo dianan aki esaki lo drecha ainda. Si resulta cu no ta posibel pa atrae salnan yen pa e comediantan aki, — cu e prijsnan abou di actual — ento pa anjanan vendidero lo bira casi imposibel pa treece gruponan di comedia na Aruba. E idea aki so ta espartoso. Pues no solamente e Toncelgroep 1960 ta un dje mihonan, pero tambe e comedia- nan cu nan ta presenta a worde ricibi cu masha entusiasmo tur parti na unda nan a worde presenta.

COLEMAN

KEROSINE ARTIKELEN



PALAIS ROYAL (ARUBA) N.V.

TAFELMODELLEN
STAANDE MODELLEN
zonder oven
OVENS

Presidente di Asociacion di Comerciantes no ta mira motibo di pesimismo

ORANJESTAD. — „Si e confianza y trabounan sigi den e mesun caminda aki nos no mester tin motibo pa pesimismo pa loke ta toca e perspectivanan economico pa e isla“, senyor Arturo M. Arends, presidente di e Asociacion Arubana di Co- merciantenan a declara ayera nochi durante e reunion anual den Aruba Caribbean Hotel.

Den e resumen acostumbra cu e presidente di e asosociacion aki ta du- na cada anja senyor Arends a treece na memoria cu awor — despues di tabata para pa basta anja ariba e lista di desconfianza — lo bini prepara- cionnan pa personal di tienda y pa- cusionan y esaki lo ta na e huishoud- school nobo „Mater Dei“. Ademais di esaki senyor Arends a memoria, cu Lago a bira miembro, cu e asocia- cion a duna ayudo na e Convencion- nan di ASTA y Lions y ta stimula e decoracionnan den tempo di Pasco.

Turismo a duna un desarrollo satis- factorio di mira, asina el a continua. „Hotel a habri y mas di 30.000 hues- ped a haciele un bishita. Cu e aper- tura aki — haci posibel gracias na goberno — e „push“ a ser duna na e desarrollo di e trafico di turismo.

„A bini confianza“ segun senyor Arends, anegoshinan a cuminsa cu re- construcion y a bini mas lineaan di aviacion, cu a treece mas pasahero ainda (prome mitar di anja 1960, 40% mas cu 1958 y 23% mas cu 1959). K.L.M. ta buseando e manera pa duna un mihor servicio na Aruba.

Den navegacion por a constata un reduccion masha chikito, principal- mente pa e motibo cu ta kerkonan mas grandi a worde poni den uso. E to- nelada a aumenta cu 2 1/2 milyon ton Shete haponan di cruise a bishita e isla cu a caba, ainda nan ta sperando mas. Principalmente ora cu na fin di october e instalacion di bunker lo keda cla.

For di esaki tambe senyor Arends por a saca e conclusion cu tin moti- bo pa optimismo, especialmente si mira e proyectonan cu lo bini pa de- sarrollo di e trafico di turista y e Che- mical Industries Inc. cu por worde spera dentro di muy poco tempo, y cu lo invista millones di dollar den un fabrica quimico y di kuarsimist.

Mas o menos 50 di e 94 miembro- nan di e asociacion a tende e dis- curso aki den Papiament Room di hotel y a premia esaki cu un aplau- so caluroso.

Tesorero Morris Serphos Jr. a duna su relato anual y a duna di encue- e presupuesto nobo. E gastonan di mas halto a resulta di e ta fianza di fls. 3.000,— na e Stichting „Echo“.

Nan bini na acuerdo cu un imprenta na unda lo bira posibel pa paga e fianza aki bek poco poco. Un propo- sicion pa cambia e fianza den un do- nacion a caba na nada. Pero si tin plannan pa funda un Asociacion pa trafico di Etranheronan y un kantoer propio pa e asociacion, asina cu e miembronan por tin un punto fijo pa pidi informacionnan y otro cosnan

d'irectiva (nobo) mas despues lo bini cu proposicionnan den e direccion aki.

Pa aclamacion senyor Arends a ke- da recibiendo como presidente. Otro reeli- hidonan ta senjores A.M. Arends, L. Berliouki, S. den Heyer, M. Maduro, A. Mirep, G. Nouel y M. Serphos Jr., mientras cu nobo ta den e directiva awor senjores I. Gotfried, Th. Hese y Wong Kii Hong. Despues di oca- sion pa haci preguntanan na cual ocasion e asunto di un propio kantoer a worde menciona, e presidente a lavi- ta tur e presentenan na un koude huf- fet eual tabata sperando nan. Directiva mientras tanto a escohe e banda di mesa na unda nan tabatin bista riba Klompen Klub na unda rato despues Hildegard a cuminsa cu su presenta- cion.

Con gobierno ta ricibi belasting di e casino

ORANJESTAD. — A ser publica e landsbesluit cu ta stipu- la e control riba e entradanan y e gastonan di e casino y cu ta conclui e reglamenta di e belasting cu mester warde paga for di esaki.

Detalladamente ta worde describi ki- ko e casino y e hotel mester haci y con- nan mester organisa e administracion. Asina por ehemplo un jugador, ken- e a gana solamente por cambia su fi- cha- nan pa placa efectivo serca e cahero di casino. E funcionario aki no mag ta den servicio di e casino. Aki na Aruba e persona aki ta den servicio di e ho- tel. Tambe e reglamento ta stipula cu solamente fichanan por ser cunpra na e mesa na unda ta worde hunga. Ora ta gana e ganador, ta traha un recibo pa esaki, un copia di e recibo ta bai den un gaveta cu tin traha special den e mesa na unda e persona a hunga (y a gana).

Control

Na fin di tur anochi, of por lo me- nos prome cu e Casino habri su porta- nan atrobe pa siguiente dia, e gaveta eua mesa ta worde controla y e pla- ca ta worde conta. E ganashi, of e per- dida, di cada mesa ta worde anota. E control aki ta tumu lugar den presen- cia


di un representante di e casino y dos di e hotel. Contenido di e slomachin- nan mester worde controla pa e mes personanan aki por lo menos un biaha pa siman.

Asina esaki ta sucede henter anja. Un biaha pa anja e hotel mester duna cuenta na e inspectie di Belasting to- cante e entradanan di e casino. Segun esaki e vergunningsrecht o sea e belas- ting lo worde calenta.

E vergunningsrecht aki ta worde cal- cula door di e ganashi bruto (esaki ta e total di entrada menos e total di gasta- nan) y di esaki nan ta desconta e gas- tunan cu a worde haci te na un total di fls. 800.000. E suma cu resta ainda ta worde carga cu 2 1/2 te 40%, ta de- pendre con grandi e suma ta.

Aki na Aruba ta Ariven ta donjo di e licencia. Ta e compania aki pue mester paga e vergunningsrecht of ma- nera nos a bisa ariba caba e belasting. Ariven ta regla mas leu cu e exploa- dornan di e casino.

Ata....Cien Florin AtrobeNaturalmente di PEPSI-COLA



Aruba sa di unda e berdadera premianan ta sali, pesei tur hende na Aruba ta bebe PEPSI-COLA, e saftdrink di mas dushi, di mas gusta, di mas popular y cu a cu- minza prame cu

CIEN FLORIN ATROBE

Diamars sra. ROSA BOEKHOUDT di Papaya II banda di Paradera a dera un PEPSI-COLA den Refresqueria INGRID.

E ta waak bou di e tapa y... ATA... CIEN FLORIN.

Ayera tardi el a ricibi for di man di Irene Daes, jiu di e propieta- rio di Refresqueria Ingrid, f100.

Tambe riba e foto nos ta mira Henry Does otro jiu di sr. Does.

Haci manera sra. Boekhoudt, BEBE PEPSI Y... GANA PLACA.



FUTBOL FUTBOL FUTBOL

ARUBA VOETBAL BOND

ta presenta

Awenochi, 28 di juli pa 7.30'or

den

WILHELMINA STADION

RIVERPLATE vs. S.C.A.

(A-klasse)

ENTRADA: Tribune f0.50 Staansplaats f0.50

DOS MUCHA CU UN KAARCHI

FUTBOL FUTBOL FUTBOL

Pa awacero wega Dakota vs San Nicolas Jrs no a completa

(Di nos redactor deportivo)

ORANJESTAD — E partido di hoofdklasse hunga di-
nars anochi entre Dakota y San Nicolas Jrs. tabata tin un
in prematura debi na e fuerte awacera cu a haci imposi-
ble sigi hunga. Tabata falta mas o menos 15 minuut pa e
partida completa ora cu referi Elia Tramp, despues di tu-
na e mes y laga e hungadornan tambe tuma un bon banjo,
dicidi di pone un fin na e encuentro.

Na e momento ey San Nicolas Jrs.
tabata tin un ventaha di 1 pa 0. Gol
dota den di 20 minuut di e segundo
mpo door di e linksbinneq Ergilio
artinez. Tabata un gol sin embargo
a parce nos ofside, pero e arbitro
linesman a constata esaki.

Dakota pues a hunga casi henter
ga atrobe sin haci un anotacion.
nan tin cuatro biaha ta aparece
n Wilhelmstadion pa e Campeo-
nato actual sin por anota.

Diamars anochi un shot di rech-
tisen Saciani Renfrum a bai gol, pero
worde cancela door di e arbitro ya
e delantero Guerrero tabata den
sicion ofside.

E hoben Jimmy Richardson, un no-
o cu ta hunga mas bien ariba li-
media, a aparece como delantero
nos mester bisa cu el a haci loka
no na presencia den linea delan-
a di Dakota. Jimmy a percura pa
nos shot largo cu a duna emocion
e partido. E no tabata warda te
porta di gol pa shoot, manera e

ultimo modelo

**FRIGIDAIRE
ELECTROLUX**
ELECTRIC
Capacidad 4.8 cu. ft.
Cifs. 350.— cash
ARUBA TRADING CO.

ARUBAANSE KUNSTKRING
ta presenta
diabierne y diasabra anochi pa 8.30' or p.m. **TONEELGROEP '60**
den
„MET VOORBEDACHTTE RADE“
Kaartje: Fl. 5.— (miembro di Kunstkring Fl. 4.—) na Aruba Bockhandel,
Aruba Post y na Teatro.

OVALTINE



TA DUNABO MAS FORZA
Awor
obtenible
na henter Aruba



UN BRUID COMO OFERTA

pa TUYUCHI

No. 57

bolbe tuma un gota y awor el a
i com un rubor a subi na su cara.
entrega e hombre e fleshy back.
Mi cordial gratitud.
„Mehor?“
„O si!“
awor e mes a pone e botter na su
a y a dal un bitter grandi.
Simplemente un rayo di trueno.
baha foi cosecha di plantacion fran-
y sea convenci cu riba esaki no
naga ni un cent di accions.“
El a queda ta mire pa e mira qui
ecion e palabranan aqui a haci y
mes a hari despues tambe.
„Qui malbadon nos ta!“
e bandido a responde:
„Si, mi muhe. Nos tabatin 10 anja
a.“

portero caracara premier cu busca un
shot.

Apesar cu den linea delantera di
Dakota no a aparece e alero robes
regular Nullo Steba nos tin di bisa
cu e delantero a bai hopen den awe-
ke. Mas cu nan contraronan en todo
caso. Pero nos tin di bolbe bisa, e
unico cu tabata busca un shot tabata
e hoben Jimmy Richardson, un hu-
benil cu ta mustando hopen capacidad.

San Nicolas Jrs. ainda no por haci
uso manera custumbra di su homber
yabi, esta Juancho Kock. E hungador
aki ta lesiona ainda y no por desplega
su calidad di custumbra, loka ta haci
hopen influencia ariba nan atakanan.

Rosimbo Vrolijk a purba algun di su
shotonan potente pero sin exito ya cu
tur tabata nial dirigi.

Kiko lo socede cu e partido aki, si
e mester worde hunga completamente
di nobo, of si loka falta mester worde
completa, of si e ta keda manera e
a worde para, te na momento di re-
ducta e comentario aki no tabata co-
noci.

Den un reunion di directiva di
A.V.B. ayera noch lo mester a cai
un decision tocante tal.

Directiva di N.A.B.L.O. a suspende A.B.B.A.

(Di nos redactor deportivo)

ORANJESTAD — Den su reunion di directiva urgentemen-
te convoca pa dialuna pasa, NABLO a dicidi di suspende
ABBA temporalmente como miembro di NABLO, e Comi-
te Olimpica di Antillas Holandesas. ABBA a yera a ricibi
notificacion di e decision ey par escrito y a worde invita
mesora pa un Reunion Extraordinario General di NABLO
cu lo warde teni diabierna awar den Clubgebouw di CVB
na Carsow.

Durante e reunion general directiva
di N.A.B.L.O. lo propone pa ABBA
worde kita como miembro di N.A.B.L.O.
e gran Comite Olimpico di Antillas.

Apesar cu naturalmente ya tur e
asunto aki lo ta „gefix“ cu e otro mlem-
bronan di N.A.B.L.O. e directiva ta in-
vita A.B.B.A. pa bin duna su punto di
vista den e reunion general di diabierna
awor.

Nes ta opera cu A.B.B.A. lo morda
su representante den e reunion di ma-
jan anochi y cu esaki simplemente lo

trece adilanti e hechonan sin bai mas
leew den trata di convence esunnan
presente.

E directiva di N.A.B.L.O. ta men-
cion na A.B.B.A. cu el a tuma e
decision di suspende e baseball bond
di Aruba como cu esaki a bai Caras-
as apesar cu N.A.B.L.O. no a auto-
riza e viahe.

Ta kiko N.A.B.L.O. a kere cu pa-
sobra e bond di baseball di Carsow
no ta hanta bon di accepta e proposi-
cionnan pa statuten pa un Federation
Antillano di Baseball anto baseball di
Aruba mester worde perhudica? Cu
otro palabra, e bond di Aruba cu tin
e afiliacion internacional di baseball
pa Antillas Holandesas, lo mester ta
na merced di e bond di Carsow? Hasta
cuando, senjores? Realiza cu e tem-
ponan ey ta pertenece na pasado, sen-
jores di N.A.B.L.O. Den seis of shete
otro ramo di deporte e deportistanan
di Aruba ta na merced di e dirigien-
tenan di Carsow den loka ta concer-
ni participacion y afiliacion interna-
cional y nos no por bisa cu N.A.B.L.O.
ta haciendo esfuerzo notable pa dre-

che e asuntunan ey. Pero ariba base-
ball nan ta desespera.

N.A.B.L.O. despues di dicidi den su
reunion general extraordinario majan
anochi di saka A.B.B.A. for di den
su seno, casi sigur lo bai informa
F.I.B.B.A., e Federation Internacio-
nal di Baseball Amateur di su gran
hecho buscando alavez pa F.I.B.B.A.
stop di reconoce A.B.B.A. como e
bond afiliado internacionalmente. Un in-
tento similar e directiva di N.A.B.L.O.
a haci algun anja pasa ora cu nan a
trece e president y secretario di F.I.
B.B.A. Corsow, cual a resulta den un
cenbenio cu N.A.B.L.O. lo percura
pa tur otro ramo di deporte worde
reorganisa y cu e reorganizacion ge-
neral lo bai parecu cu esun di baseball.
Te ainda ta un deporte so, futbol, a
reorganisa den un esfuerzo pa un fe-
deracion antillano.

Nos na ta duda cu F.I.B.B.A. lo
sabi di muestra N.A.B.L.O. cu como un
Comite Olimpico Nacional pa Antillas
Holandesas nan ta sumamente pover,
nan ta un fracaso completo.

Welga di 8000 berrido di caja

NEW YORK, 27 juli. — 8.000 ha-
rider di caja na New York a welga
awe, despues cu e discusionnan entre
nan sindicato y e autoridanan mu-
nicipal di New York a worde suspen-
de. E baridnan di caja ta existi
un aumento considerable di sueldo.

Adenauer lo bai Paris pa consulto

BONN, 27 juli. — Na Bonn a wor-
de anuncia oficialmente cu canceller
Konrad Adenauer di Alemania occi-
dental lo bai Paris via avion diabi-
ernes mainta, pa tene discusion cu pre-
sidente De Gaulle na esey su residen-
cia na Rambouillet, cerca Paris.

Proposicion di Rusia na Ginebra

GINEBRA, 26 juli. — Circulan
ron e conferencia na Ginebra, cu ta
discuti prohibicion di experimento-
nan atomico, ta informa cu Rusia a
propone awe, pa tene 3 inspeccion
local tur anja pa investiga tembla-
mentu di tera na tur e 3 paisnan gran-
di atomico, Merca, Inglaterra y Ru-
sia, ora cu no por identifica e tem-
blamentu.

Observadonan ta muestra cu e can-
tidad aki ta hopen menos cu e propo-
sicion mericano, pa determina pa Ru-
sia sol un cantidad di 20 inspeccion
anual.

E delegacion mericano a presenta

un proposicion tocante e posibilidad
pa otro paisnan for di Merca, Ingle-
terra y Rusia, bira miembro di un
pacto pa prohibi experimentonan a-
tomico. Aunque cu e proposicion no
ta muestrea qingun member, lo e por
habri e posibilidad, basta cu e wor-
de aproba, pa cual pais, su partici-
pacion ora e pacto ta necesario pa un
sistema internacional di control fun-
cional bira, bira miembro di pacto.
Esaki lo inclui China comunista tam-
be.

Pa seis ora tur vuelo riba Merca ta prohibi

WASHINGTON, 27 juli. — Dia 10
di september tur vuelo over di tur e
territorio di Merca lo keda prohibi
pa 6 ora, en relacion cu un exercicio
militar, pa test defenza aereo di Mer-
ca. E vueloonan cu lo worde prohibi
ta vuelonan civil y comercial.

Lumumba a yega Washington

WASHINGTON, 27 juli. — Promer
ministro Lumumba di Congo a yega
Washington awe tardi, jengando for di
New York. El a worde ricibi na ae-
roportu pa ministro Herter, e minist-
ro mericano di asuntunan exterior, y
honornan militar completo. Lumumba
lo tene discusion cu ministro Herter
y lo e tin un encuentro cu presidente-
nan dje Banco Mundial.


Fuenternan congoles a informa na
Washington cu Congo tin mester di
10 million dollar inmediatamente, pa
repara e dajo causa na e economia
dje pais, como resultado dje sucesio-
nan di siman pasa.

Un bataljon di militarnan Ingles pa Kenia

LONDEN, 26 juli. — Un bataljon
di militarnan ingles lo worde manda
Kenia como medida preventiva, pa
fortifica e reserva strategico ingles
cu ta staciona na e pais ey, asina un
portavoz di ministerio ingles di defen-
sa a informa. El a nenga di duna mas
detalles.

Papa Johannes a publica un motus proprio

VATICANO, 27 juli. — Un motus
proprio cu Papa Johannes a publica
awe, ta anuncia revision dje brevier
y dje misal romano, cu lo ocasiona cu
teksto dje oracionnan di misa lo bira
mas cortico.



**Krushev ta bira un co-
nocer bieu. Premier Nikita
Krushev quen-
de den su dis-
cursunan sker-
pi i amenazan-
te, ta queda
masha stranj
na nos bista
ora cu nos ta
mirele riba e
portret aqui cu
un sonrisa a-
gradable riba
su cara i ta
brazando cor-
dialmente un-
di su conocir-
nan bieu. Esa-
qui ta un mu-
he cu a pene-
tra den e linea
di polizian cu
tabata escorta
Krushev na
Linz, Austria i
ta muestra
Krushev un
portret riba**

**cual na a sali hunto 30 anja pasa na Caucasus. E muhe aqui ta
Tajana Vlavitskaya, di 60 anja di edad; e tabata cria di cas na
Austria. Krushev a bisa cu ainda e ta recorda e muhe aqui. El a bai
cu e bieu aqui na su hotel pa nan bai combersa.**

CUMPLIANJOS

Ta recorda su fecha natal sra. Sara
Peusch y ta ricibi felicitacion di su
esposo Jan juman Mathilda, Tion,
Sira, Cornelia, Antony, Cathrine,
Ben, y Adri. Suegro Chalito, especial-
mente di su nieta Isabella Henriquez,
y di tanta Faustina.

Ta celebra su 19 di feliz existencia
senjorita Anna Victoria Kelly y ta
ricibi felicitacion di su mama, ruman-
nan, swanan y conja, estimado sobri-
nonan, Edwin, Elviro, Luti, Neville,
sobrinanan Lidwina y Evelynne.

E hobencita Renolia Petrochi ta ce-
lebra su feliz cumpleaños y ta ricibi
felicitacion di su tata Joseph, mama
Catrien, rumanan Lesbia, Philomena,
Stefania, Giovanetti y Quiseppe Pe-
trochi.

E hobencita Gloria Croes ta cum-
pli 9 anja y ta ricibi felicitacion di
su tata Olando, mama Chaita, ruman-
nan Thelma, Dela, Duffi, Maiki, Chai
y Donald, tanta y omonan, primo y
primanan, padrino Hilario, madrina
Terfina, amiganan di Protestant
school y mevr. de Boer, tambe di
prima Milly v.d. Biest.

E hobencita Anna Carolina ta ce-
lebra su feliz cumpleaños y ta ricibi
felicitacion di su mama Gertruida,
tata Crismo, rumanan, tanta y omo-
nan, welo y welanan, y demas familia
Wouters, Carolina y Maduro.

Awe a cumpli anja e gentil caba-
llero Maiki Geerman y ta ricibi felici-
tacion di su mama Petra, ruman-
nan Felix, Margo, Ely, Aida y Show,
welo y wela, tanta Mana omo Crismo,
iha Haime Maduro, amio y amiga-
nan, familia Geerman, Croes y Ma-
duro.

Senor Bruno Werleman y esposa
Felepin a cumpli dos anja di bida
matrimonial y na ta ricibi felicitacion
di nan jiu Gloria, di Juan, Regina,
Martina, Felix, Carlito, Modesta, Pla-
cida, Maxima, Enrique, Jacinto, Buchi,
Pablo, Esteban, Emerald, Juan, Rey,
Lee, Demete, especialmente, di mlem-
bronan di Sport Boys y demas fami-
lia Werleman, Winterdal, Kock, Vro-
lijk, Solagnier, Danje y demas cono-
cimnan.



Importrice:
E. & G. MARTIJN
(Aruba) LTD.
Tel: 1492-1493

NOS TA BAI RECONSTRU
PUES TIN ARTICULOS
BARATA
e.o. ZAPATO, CAMISA
y CARTERA
Palais Oriental
Oranjestad - San Nicolas

„MOSAICOS GENNY“
Mihor Calidad
Tarabana — Aruba

Agenda

ARUBAANSE COURANT
diariamente cu excepcion di
diadomingo

Eidila pa:
N.V. ARUBAANSE DRUKKERIJ- EN
UITGEVER- EN PUBLICITEITS MIJ.
Nassaustraat 85 - Oranjestad, Aruba N.A.

Subscription 7.— paga adelanta
Edicion suelta 20 ct.

Telefon:
1116 Directiva y anuncio
2116 Redaccion y suscripcion

Directeur-hoofredacteur: G. J. Staartjes
Imprimi na N.V. Drukkerij „De Stad“

CULTUREEL CENTRUM ARUBA

Diabuebs 28 di juli 8.30: LECTURA Dr.
Goslinga bau auspicio Volksuniversiteit.

CINE

DE VEEH 7.30 „Hot car Girl“ 18 J.
RIALTO 8.00 „Gunpowder Valley“ a.i.
PRINCIPAL 8.00 „Spotters of the Forest“
a.i.
AURORA 7.30 „Geef me 'n kans“ 18 J.
SAVANNA 7.30 „Locos peligrosos“ 18 J.

WIT-GELE KRUIS

Zr. Ewolda - Zr. Perpetua. tel. 3200

BOTICANAN DI WARDA

San Nicolas: BOTICA CENTRAL, tel. 3006
Oranjestad: BOTICA OUBER, tel. 1780

POSTSLUITINGEN

Doonderdag

Curacao 10.00 & 16.00, New York, 8.00
Panama 15.30, Suriname 16.00, Caracas
15.30, Maracaibo 15.30.

RADIO KELKBOOM

Diabuebs 28 di juli

11.00 Opening
11.00 Lunchmuziek
11.10 Notities local na Pap.
11.25 Nieuws (internationaal en lokaal)
11.40 Nieuws Amerikaanse
11.55 Nieuws in nushell
1.00 Musica varia
1.30 Stuiting
4.00 Rancheras
4.30 Notities na Pap. (lokaal-pap y dep.)
4.45 Cocktail Musica.
5.15 Musica varia
5.45 Calypso
5.00 Danzones Cubanas
6.00 Progr. di Nieuws
6.15 Cumpleaños felix
6.30 Dinnermuziek
6.45 Voorlichtingsdienst
7.00 Notities na Pap.
7.15 Musica Varia
7.30 Musica Hulandes
7.45 Nieuwsbericht
8.00 Nieuws Amerikaanse
8.15 Lagrima de una madre
8.30 Musica varia
9.00 C. C. A.
10.00 Stuiting.

RADIO VICTORIA

Diabuebs 28 di juli

11.00 Apertura
11.15 Novela, Cristiana
11.30 Melodias di Merdia
12.00 Ultimas Noticias
12.15 Musica Sagrada
12.30 World News
12.45 Organ Memories
1.00 Radio Concert Hall
2.00 The Reading Room
2.15 Sacred Songs
2.30 The Quiet Hour
2.45 Ensembles Musicales
3.15 Melodias del Alma
3.30 Desencadenado
4.00 Musica di Banda
4.15 Ecran Celestial
4.30 Cafe con Musica
4.45 Waltzman Favorito
5.00 Academia del Aire
5.15 Palabranan di Bida
5.30 Interudio Musical
6.00 Ultimas Noticias
6.15 Canta Leo
6.30 Notities Hulandes
6.40 Musica Clasicas
7.15 The Bandstand
7.30 Horatio Hornblower
8.00 World News
8.10 Off the Record
8.30 Back to the Bible
9.00 Musical Gems
9.20 Songs in the Night
10.00 World News
10.15 Hymns that Live
10.30 Sign off

RADIO CARACAS TELEVISION

Jueves 28 de julio

9.55 Patron de Radio Caracas Television
9.57 Informacion sobre los Progr. del dia
10.00 El Tio Vacaciones
10.05 Cosas de Mujeres
11.30 La Perfecta ama de casa
12.05 El Gran show de las Doce
1.15 Su Novela, Fab-Vorita
1.30 El Imparcial Television
2.00 Punto y Aparte
2.15 Cortos Cinematograficos
2.30 Club Femenino
3.00 Por el Ojo de la Cerradura
4.00 Estudio de Hector Monteverde
4.30 Club de los Nietos
5.30 Cortos Cinematograficos
5.45 Documental
6.00 Cita con Saume
6.30 Cine, variedades Yukery
7.00 Julian Pacheco
7.07 Que le parece, compadre....?
7.15 La Novela Ace
7.30 Croneos de los Genios
8.00 El Observador Cronos
8.15 Su novela Palmolive
8.30 Historias KLIM
9.00 La Novela Camay
9.15 Amador Bendayan en T.V.
9.30 Esta Noche con Billo
10.00 Actualidad Politica
10.30 Cineprograma
12.00 Patron de Radio Caracas T.V.
Himno Nacional
Locutor de Guardia



VERREKIJER
Aruba Curacao

GUARANTEED FLUFFY!
Uncle Ben's RICE

GAS
ta ventahoso
GAS
ta practico.
Haci bo pedido di gas
na tempo na
ARUBA GAS SUPPLY
Tel 1198

(E ta sigui)

CISCO KID

1. „Cu esaki bo no ta gana nada! Nos lo persegui bo ora bo bay! 2. „Masha bon idea, señores! Mi ta felicitá bo pa e sagacidad y valor! 3. „Un di e hombernan sin pasenshi, ta baha braza pa coge arma... 4. „Cu nui placa si bo no ta bay!”



JUAN EL INTREPIDO

1. „Bon bo a haci. Kala! Awor en vez di Jack bo tin ami!” 2. „Ya mi sa! Mi a comete un error, pero lo ni trata di dreche!” 3. „Den e aldea cy ta biba un traficante cu nan ta jama Yumi. E ta tirando contrabando di Tibet pa India!” 4. „Laga nos bay cerca djé! Mi ta bira nervioso na terra di e rojonan!” 5. „Na poco distancia...”



DICK TRACY

2. „E por a lamta cu tradicion bieuw, pero su bailamento ta puro di 1960. no chiel?” 3. „Verdad!” 4. „Pero ta stranjio. E ta cambia den un rato di alegría tremendo pa pesimismo intenso. 5. „Si awor e joramento ta alivia su curazon.”



RIP KIRBY

1. Tur cos ta muntra cu Club Cordial ta haci bon negocio. 2. Pero Fortuna y Kirby ta actua den un sala casi bashi. 3. „Tin algo stranjio respecto e lugar aki... mi mester averigua!”



EL PRECIO DEL TRIUNFO

1. „Bienvenido. Lalo! Despues di algun siman na Riviera, mi ta supone cu lo bo no mind si no duna bo mas trabau!” 2. „Sr. Hutchins, mi a quere cu ta esey mi tabata haci aya!” 3. „Bueno, nos lo acepta esey! Bo a haci un tarea soberbia!” 4. „Pero Paula Boswor quier pidí bo un favor! Ta algo manera un encargo personal! Haci lihé, hay cerca djé!”



EL DIARIO DE UNA VIDA

1. „No tin ningun duda, muchacha... bo tata a hanja un shock... y cu razon!” 2. „Boso sabi caba?” 3. „Clarisa a bisa mi awe mainta... ya bo a bay oficina?”



PEPITA

1. „Hé! Galinja hasa cu batata! Mi plato favorito!” 2. „Bon! Mi TA CIA! Trece na mesa!” 3. „Danki pa bo a laga mi hasa e galinja aki mientras nan ta drecha mi cushina Pepita!” 4. „Mi ta descongelando e refrigerador. Bo mester come e sobranan aki!”



E CASO NABLO vs. ABBA

(Fuera responsabilidad di redaccion)

Sin baj mucho den detalles riba e acusacionnan falsu cu e escritor di e articulo di diarazon 20 di Juli den Arubaanse Courant a lanza na direccion di e directiva di NABLO, tur persona cu sa algu di e asunto, y cu ta tene cu mes na corrient di loque ta pasando den mundo deportivo entre Corsow y Aruba, por mira cu informacion pa scribi e articulo aki a worde hanja di un banda so, aunque mi ta convence cu e actuacion di NABLO den e caso aki ta nada mas cu correcto, no ta mi intencion di defende e directiva aki.

Den e mes un articulo e escritor a hanja sin embargo necesario di menciona e deporte di hisamento di peso, bisando cu segun e ningun eliminacion a worde tene pa e Olimpiada di Roma, pasobra el a lesa solamente riba aspirantenan di Corsow.

Tristu ta sin embargo cu un comentarista ta bai riba loque el a lesa (den otro corant) y no ta acceren e personanan, cu por sa algu di e asunto, den e caso aki señores Michael Lewis y Roy van Putten di Aruba of e directiva di Gewichtheffers Bond di Corsow.

Como presidente di Curacao Gewichtheffers Bond ta un placer pami pa muntra e escritor di e articulo aki of cualquier comentarista e copianan di carta cu mi tin den mi poder, dirigi na señor Michael Lewis, presidente di A.A.W.A. Pa haci un historia largu mas corticu posible, mi kier splica algo loque a worde haci en cuanto Roma:

Dia 15 di Januari Nablo a reuni v a pone exigencianan minimo pa Roma. Dia 22 di Januari un carta a bai pa Michael Lewis, invitandonan pa un reunion pa papia riba e Olimpiada di Roma y tambe pa bini na un acuerdo riba statuten di N.A. Gewichtheffers Bond. A propone den e carta aq un try-out pa Roma den luna di Juni.

Dia 29 di Januari Michael Lewis a contesta, bisando cu e y Roy van Putten lo bini Corsow dia 31 di Januari pa un reunion cu Bond di Corsow. (telegram den mi poder)

Dia 31 di Januari reunion a tuma lugar na cas di señor Marcel Betrian di Corsow y a bini na un acuerdo di no tene un try-out especial ni na Aruba ni na Corsow. E gastunan lo ta muchu haltu. Sin embargo a queda stipula cu Corsow lo tene su try-out y Aruba di djé, pero semper un miembro di e otro federacion mester ta presente. E Statuten nobo a ser aproba verbalmente pa señores Michael Lewis y Roy van Putten, pero nan lo manda bisa despues di a papia cu e otro miembronan na Aruba. (ic awe nos no a tende nada).

Dia 13 di Februari a bai Aruba notulen di loque a worde discuti den e reunion di dia 31 di Januari, un copia completo di Statuten nobo y un copia di un carta, cu a worde manda pa NABLO cu e exigencianan minimo, cu AAWA y C.G.B. a stipula. Nada mas Bond di Corsow no a tende di Aruba. Dia 29 di April a bai un copia di un invitacion pa Campeonato na Pto. Rico na fin di September pa mira si tin lifters di Aruba cu por bai. Den e carta aq a corda e federacion di Aruba riba e Statuten y tambe riba e fecha di nos contest di dia 28 di mei. Ningun contesta ainda, ni na Mei ni na Juni. Dia 31 di Mei a bai un carta pa señor Michael Lewis, certifica y cu prueba di recibí.

Señor Michael Lewis, presidente di AAWA a recibí e carta dia 2 di Juni y e recibí cu el a firma pa ricibí e carta ta den mi posesion. Sin embargo nada hubo... ningun contesta... ni ta awor. Si nos mester a warda riba Aruba pa drecha Statuten lo awor n'gun herde ne por a bai Roma, pasobra NABLO como comite Olympic di Antillas a pone como exigencia, cu Statuten mester ta forma prome cu tin blaja pa Roma.

Mientras tanto nos ta wardando di tende algu di AAWA, quizas tin algun pesista di ARUBA cu lo por renforza nos equipo pa bal Puerto Rico. Nos lo acepté cu gusto.

Despues cu mi a haci e aclaracionnan aki, mi ta spera cu e escritor di e articulo lo pone un rectificacion riba su insinuacion como si fuera cu e pesistanan ta baj Roma sin laga Aruba sa. Mi ta sigur cu señor Michael Lewis, L.E.C. Headquarters, Lago, lo por confirma mi escrito y muntra e cartanan dirigi na su persona. En todo caso mi mes ta dispuestu di muntra cualquier periodista e cartanan mencioná.

G. de Jongh.

Our special cake of the week is:

POMPADOUR CAKE Fls. 5.00

Delicious Pies a weekend treat for your family.

Pear and Apple Pie

ROYAL BAKERY
Tel. 1327
Oranjestad

RAINBO BAKERY
Tel. 5064
San Nicolas

SPAAR E ETIKETNAN

FRIESCHE VLAG BIBLIOTHEEK

PETRONA & CROFS
Dakota - tel. 1712-1619

PA RAPID CONSTRUCCION,
RAPIDO Y MIHOR

HOROSCOOP

ARIANAN
11 Maart — 29 April

Luna ta den e signo contrario di bo cu ta trece asunto di bo partner dilanti. Muntra compresion.

TAURINIAN
21 April — 21 Mei

Bo ta bai bon cu trabao y servicionan y bo esfuerso pa yuda otroonan den nan problema. Lo bo hanja recompensa.

GERMINANAN
22 Mei — 21 Juni

Curso di sucesonan por forza circunstancianan cu ta pone bo na estado di haci hopi na favor di otroonan.

CANCERNAN
22 Juni — 23 Juli

Bai huntu cu tempo, tanto na cas como na trabao y lo bo alcanza hopi prome cu dia pasa. No tuma riesgo cu placa.

LEONAN
24 Juli — 23 Augustus

Bo relacion cu otroonan ta mehora. No larga nada stroba equinam. Mantene correspondencia.

VIRGONAN
24 Augustus — 23 September

Hiba bo begroting na equilibrio y traha un lista riba bo placa y biennan. Anochi tin chens riba ventaje.

LIBRANAN
24 September — 23 October

Luna ta pone bo desea adelanto y cambio. No larga bo humor personal stroba bo.

SCORPIONAN
24 October — 22 November

No dispidi bo tempo. Use pa studia problemanan di importancia y trabao necesario. Domina egoismo.

SAGITARIUSAN
23 November — 21 December

Personanan carinosos por duna prueba di interes pa bo asuntunan. Haci algo pa aumento di bo entrada.

CAPRICORNUSAN
22 December — 20 Januari

Bo ta sinti un insistencia pa bai dilanti den negoshi y ambicionnan. Conserva sosten di bo conseheronan.

ACUARIUSAN
21 Januari — 19 Februari

Anochi tin aspeccionan adacuado pa planan pa cercano porvenir. No spera mucho cos for negoshi.

PISCES
20 Februari — 20 Maart

Atencion pa pago y debenan ta merece recomendacion. Empeña na un parti den meritionan comun.

Union Republicano Democratico di Venezuela

CARACAS, 27 juli. — „E Union Republicano Democratico di Venezuela ta mas determinado cu nunca, cu lo e lucha na banda di Cuba, den caso cu independencia di pais ey of estabilidad di su gobierno democratico worde amenaza door di intervencion estranhero of un violacion reaccionario comete pa interesnan of gobernanan estranhero”, asina un comunicado di e directiva nacional di partido menciona ta bisa. E partido ta tuma parti na e coalicion di gobierno di Venezuela. E lider di Union Republicano Democrata ta Jóvito Villalba.

Masha bringamentu i morto na Bamendju

YAOUNDE, 27 juli. — Awe unidatnan di exercito di Cameroun (Africa) a bringa contra rebeldehan den region di bamendju y 130 rebelde a muri. Como 50 djé rebeldehan tabata bisti na uniform.

Parce cu e exercito di gobierno a confisca un gran cantidad di arma y a arresta un cantidad di rebelde.